

wec unt gewicke.  
 (2600) waf allez perunet.  
 di christen heten da gefrumt.  
 manigen helm prunen. (2600)  
 5 blach unt uerhouwen.  
 manige sele zu der helle.  
 (2600) der potiche geuelle.  
 waf harte egeslich.  
 da uiel der gotef gerich. (2605)  
 10 über di wüt grimmen.  
 uz den gotef kinden.  
 (2605) geuielen ahtzecl unt sibene.  
 di urouwent sich iemir da zehimile.

(Bild 21.)

A marezur hüp sich dar. (2610) LXIII<sup>b</sup>  
 15 er furt aine herliche scar.  
 zwelf tusent haiden.  
 daz edele gestaine.  
 lucht uz in uerre.  
 iz newart uf der erde. (2615)  
 20 nie nehain chunc so here geborn.  
 waren si durch daz rechte uz chom.  
 erne scolt ir wol troft haben.  
 ir schilte waren mit golde beslagen.  
 geziret ir helme. (2620)  
 25 si waren chüne helde.  
 gestaine über gestaine.  
 doch si waren haiden.

1 Wer unde gewiche A. 4 brunen A. 5 unde A.  
 6 there A. 7 There potike A. 12 unde A. 13 ze himele A.  
 14 hof A. 15 furte. scare A. 16 Zwelef thusent A.  
 17 ethile A. 18 Luhete A. 19 uffe there A. 20 Kunig  
 so her A. 21 reht uz kumen A. 22 scolte ire. hauen A.  
 23 Ire A. 24 ire A.